

MASCARUBA

ta presenta



E Sonrisa di Max

autor: SR. CHIN j. BOEKHOUDT

E Sonrisa di Max

E SONRISA DI MAX ta un homenahe na un hoben heroe Arubiano pa su ehempel den balentia, curashi y conviccion den norma y balornan den temponan bruha y dificiel.

E ta un obra original inspira pa hechonan historico, skirbi y dirigi pa **Oslin J. (Chin) Boekhoudt** cu actuacion di **Ronny Maduro** y como apuntadora **Magda Nicolaas** y **Garienne Cham**.

E SONRISA DI MAX, un monologo, un tragedia di un acto y e ta "theater at its best!!

November 8-9-10; 15-16-17; 22-23-24; 29-30 y P di December, 2002

E autor / director.

Oslin J. (Chin) Boekhoudt, kende como actor y director den mundo di teatro y television no ta un desconoci na Aruba, Antiyas ni den exterior.

Oslin Boekhoudt a dirigi mas di trinta obra di teatro y pa television. Pa no papia mes di su actuacionnan de un cantidad grandi di obranan teatral.

Cu "**E Sonrisa di Max**," Chin ta haci su debut como autor. **E Sonrisa di Max** ta un tragedia. Esei kiermen cu na final e heroe ta muri. No kiermen si cu no tin cos di hari den e obra, al contrario, Oslin ta hiba e publico den un mundo masha bunita, gracioso y tierno di Max, apesar di e temponan dificil y bruha cu e personahe ta biba aden.

Ademas, cu e obra aki Mascaruba ta haci su aporte na e proclamacion di Nacionnan Uni di e aña aki como **Aña di Hubentud**.

Tecniconan

Di sonido y iluminacion:

Ted Hasham, Zuleika Tromp, Edson de Cuba y Gibi de Cuba.

General:

Luty Martinez, Rafael Tromp y Harold Pereira.

Exposicion

Mascaruba ta invita e publico en general pa despues di e presentacion bishita un exposicion historico di nos heroe nacional.

E autor na palabra...

Amigonan di MASCARUBA,

"E Sonrisa di Max" no ta un documentario, sino un creacion liber, inspira pa e.o. e documentario (video) y e buki "Boy, 'n Antilliaanse jongen in het Nederlands verzet" di Ted Schouten y inspira tambe pa mi propio investigacion na Biblioteca Nacional di Aruba y Archivo Nacional di Aruba.

E figura di "Max" desde hopi tempo a fasina mi. Desde añanan 70 ta den mi mente pa scirbi un obra di teatro riba dje, maske ta un obra di un acto. Pa diverso motibo m'a laga e idea ei para pa basta aña.

Ningun momento ta mi idea pa habri ningun herida y haci ningun hende dolor. Mi ta admira e valentia y curashi cu Max tabatin pa lanta para contra inhusticia, abuso y tirania.

Apesar cu e tabata un hoben, un mucha ainda, e kier a yuda combati e burdugonan, e criminalnan, e asesinonan pa asina mundo na final lo por biba na paz y tranquilidad.

E aña aki, dedica na hubentud, na hobennan di Aruba di awendia, mescos cu e tabata den e tempo bruha aya. Especialmente na hobennan di su pueblo, mi ta dedica e obra aki.

Mi ta pone como ehempel di balentia, curashi, fielder y religiosidad na su manera.

Na amigonan di MASCARUBA, danki pa ta cu nos un biaha mas. Siqui e obra cu hopi atencion pa boso por gosa di MASCARUBA su presentacion.

Chin.

Gradicimento

In danki special ta bay na:

Sra. Nydia Ecury, Sra. Poppy Schouten, Sr. Nick Ecury, Sra. Caresse Isings, Sr. Ted Schouten, Sr. Hubert Booi, Sr. Henk Ooft y Archivo Nacional, Sr. Mario y su Sra. Marijke Boekhoudt, Sr. Cizo Martis, Sra. Diana Antoinette, Sr. Eddy Tromp, Sr. Thomas Urtusuastegui, Checkpoint Color, Bon Dia Aruba, WENDY'S, Aruba Aloë Balm, ECA Advertising & Marketing N.Y., Fundacion E Brug, miembronan di MASCARUBA y e publico presente.

No lubida di informa otronan pa presencia

"E Sonrisa di Max"!

... Un boca bisa otro...

Truth is more of a stranger than fiction.

Mark Twain